

**Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat nr. 19, 24. novembari 2017-imeersaq Atuussimasoq (Historisk)**

Meeqqat tapersersorneqarnissaannut Inatsisartut inatsisaanni nr. 20, 26. juni 2017-imeersumi § 32, imm. 4, § 34, imm. 2 aamma 3 aamma §57, imm. 4 aamma 6 naapertorlugit aalajangersarneqarput:

**Kapitali 1**

*Nalinginnaasumik*

*Paaqqinniffiit immikkoortorta qarfiillu ilusaat*

§ 1. Meeqqanut ulloq unnuarlu paaqqinniffiit pigineqarlutillu ingerlanneqarsinnaapput:

- 1) Naalakkersuisunit,
- 2) kommunalbestyrelsimit imaluunniit kommunalbestyrelsinit arlaqartunit ataatsimoorussamik, imaluunniit
- 3) suliffeqarfinit imminut pigisunit.

*Imm.2.* Ulloq unnuarlu paaqqinniffik ingerlanneqarsinnaavoq:

- 1) isumannaallisagaangitsutut,
- 2) isumannaallisagaangitsutut ilaatigulli matoqqasumik initalittut, imaluunniit
- 3) isumannaallisakkatut.

§ 2. Meeqqanut ulloq unnuarlu paaqqinniffimmi ini ilaatigut matoqqasoq tassaavoq, isumaginninnermik suliaasaqarfimmi pissaanermik atuneq pillugu Inatsisartut inatsisaanni § 6-imi piumasagaatit naammassineqarsimatillugit, matut silarliit igalaallu parnaarlugit kiisalu timikkut aalajangerlugit il.il. piffissat ilaanni anitsaaliuilluni isersimatitsivik.

§ 3. Meeqqanut ulloq unnuarlu paaqqinniffik isumannaallisagaq tassaavoq ulloq unnuarlu paaqqinniffik isumannaallisakkamik minnerpaamik ataatsimik immikkoortortalik, immaqalu isumannaallisagaangitsumik ataatsimik arlalinnilluunniit immikkoortortalik.

*Imm. 2.* Ulloq unnuarlu paaqqinniffimmi isumannaallisagaasumi matut silarliit igalaallu parnaaqqatittuaannarneqarsinnaapput.

*Imm. 3.* Ulloq unnuarlu paaqqinniffiup isumannaallisagaasup silataani silaannarissarluni aneerfissanik isumannaallisagaasunik peqassaaq.

§ 4. Ulloq unnuarlu paaqqinniffik meeqqanut perorsaanimik, tarnip pissusaanik, tarnip nappaataanik imaluunniit ilaqtariittut katsorsaanimik neqerooruteqarsinnaavoq.

*Imm. 2.* Ulloq unnuarlu paaqqinniffik nittartagaliussaaq, tassani allassimassaaq, katsorsartinnerit qanoq ittut neqeroorutigineqarnersut, taakku ataanni qanoq iliorluni katsorsaasoqartarnersaq, katsorsaariaatsit suut toqqarneqarsimanersut aammalu qanoq naammassineqartarnersut.

*Imm. 3.* Ulloq unnuarlu paaqqinniffimmi perorsaariaaseq meeqqat ataasiakkaat inerissimassusiat immaqalu piginnaasaasa apparsimanerat eqqarsaatigalugit aaqqissuunneqassaaq.

*Imm. 4.* Meeqqanut ulloq unnuarlu paaqqinniffik meeqqat sapinngisamik nalinginnaanerpaamik inuuneqarsinnaangorlugit aaqqissugaallunilu ingerlanneqassaaq.

#### *Qitiusumik Inissiinissamut Innersuussisarfik*

§ 5. Naalackersuisut qitiusumik inissiinissamut innersuussisarfirmik ingerlatsissapput.

*Imm. 2.* Inissiinissamut innersuussisarfirmut nalunaarsinnaassagaanni taassuminngalu atuisinnaassagaanni ulloq unnuarlu paaqqinniffittut akuerisaasimanissaq piumasqaataavoq.

*Imm. 3.* Meeqqanik ataasiakkaanik inissiinissamik innersuussineq ulloq unnuarlu paaqqinniffiit ataasiakkaat aqutsisuinik oqaloqateqarnikkut pissaaq.

*Imm. 4.* Kommune nammineq pisaminik ingerlataminillu ulloq unnuarlu paaqqinniffimik misissuissaguni, Qitiusumik Inissiinissamut Innersuussisarfirmut allakkatsigut paasisutissiissaaq. Paasisutissiineq imaqassaaq:

- 1) meeqqap aqqa,
- 2) meeqqap inuup-normua,
- 3) misissuinnermut pissutaasoq
- 4) meeqqamut paasisutissat tunngasut tamarmiut, aamma
- 5) meeqqamut iliuusissatut pilersaarut nutartigaq.

#### *Najukkami maleruagassat*

§ 6. Meeqqanut ulloq unnuarlu paaqqinniffiup najukkami maleruagassiamini piffissat ulloq unnuarlu paaqqinniffimmut pulaarfiusinnaasut killilersinnaavai. Killiliinerli taanna paaqqinniffiup iluani eqqissisimanissaq torersumillu pissusilersornissaq eqqarsaatigalugit pisariaqartumit ingasannerussangilaq.

*Imm. 2.* Najukkami maleruagassat najugarisap siunertaanut naleqqussagaassapput, ulluinnarnilu ingerlanneqarsinnaaneranut akornutaassanatik.

#### *Ulloq unnuarlu paaqqinniffiit aaqqissugaanerat pillugu aalajangersakkat*

§ 7. Meeqqanut ulloq unnuarlu paaqqinniffik meeraq nammineq ineeraqartussangorlugi aaqqissugaassaaq.

*Imm. 2.* Meeqqap ineeraa meeraq sapinngisamik peqatigalugu aaqqissuunneqassaaq, pisatsersugaaneralu meeqqap ukiuinut immaqalu immikkut pisariaqartitaannut naleqquttuussalluni.

*Imm. 3.* Meeqqat uffarfissaqassapput, perusersartarfeqassallutik kiisalu ininik

isersimaarfissaqassallutik.

*Imm. 4.* Ulloq unnuarlu paaqqinniffik meeqqat sunngiffimmini sammisaqarnissamut periarfissaqartillugit aaqqissugaassaaq.

*Imm. 5.* Meeqqanut ulloq unnuarlu paaqqinniffik ataatsimoorussamik isersimaartarfeqassaaq, ini meeqqat immikkut pisariaqartitaannut naleqqussarlugu aammalu meeqqanit ulloq unnuarlu paaqqinniffimmi inissinneqarsimasunit tamaginnit atorneqarsinnaasunngorlugu, ilusilersugaasumik.

**§ 8.** Ulloq unnuarlu paaqqinniffik sinittussanik pigaartoqartarpat ini sulisut qasuserfissaat sulisunut perusersartarfittalik sulisunullu uffarfittalik aaqqissuunneqassaaq.

**§ 9.** Meeqqanut ulloq unnuarlu paaqqinniffiup aaqqissugaanera imaassaaq, sanaartornermut qatserisartoqarnermullu oqartussaasunit, uumasut nakorsaattut oqartussaasunit kiisalu sullivinnik nakkutilliisoqarfimmit qaqugukkulluunniit akuerineqarsinnaassalluni.

## **Kapitali 2**

*Meeqqanut ulloq unnuarlu paaqqinniffiit Naalakkersuisunit pigineqarlutillu ingerlanneqartut*

### *Ileqqoreqqusaq*

**§ 10.** Meeqqanut ulloq unnuarlu paaqqinniffiit Naalakkersuisunit pigineqarlutillu ingerlanneqartut ileqqoreqqusaaqassapput, imarissallugit:

- 1) Ateq, najugaq aamma siunertaq.
- 2) Perorsaanissap siunertaata allaaserineqarnera.
- 3) Sullinniakkat allaaserineqarnerat.
- 4) Aqutisut suliassaasa allaaserineqarnerat.
- 5) Inummut pingajuusumut tunngatillugu akisussaaneq iliuseqarsinnaatitaanerlu pillugit maleruagassat.
- 6) Missingersuusiortarneq, naatsorsuuserineq kukkunersiuinerlu pillugit maleruagassat.
- 7) Ileqqoreqqusat allanngortinneqassatillugit periaasissat.

### *Ulluinnarni aqutsineq*

**§ 11.** Naalakkersuisut meeqqanut ulloq unnuarlu paaqqinniffinni Naalakkersuisunit pigineqarlutillu ingerlanneqartuni pisortanik atorfinitsitsisarlutillu soraarsinnaapput.

*Imm. 2.* Pisortap ulloq unnuarlu paaqqinniffiup ulluinnarni ingerlanneqarnera isumagissavaa.

*Imm. 3.* Pisortap ulloq unnuarlu paaqqinniffimmi sulisuusut allat, inatsisit isumaqatigiissutillu atuuttut naapertorlugit atorfinitsittarlugillu soraarsinnaavai.

## **Kapitali 3**

*Meeqqanut ulloq unnuarlu paaqqinniffiit kommunalbestyrelsimit imaluunniit kommunalbestyrelsinit peqatigiiffittut pigineqarlutillu ingerlanneqartut*

*Akuersisinnaanermut piginnaatitsineq piumasaqaatillu*

**§ 12.** §§ 13-16 naapertorlugit Naalakkersuisut meeqqanut ulloq unnuarlu paaqqinniffinnut, kommunalbestyrelsimit ataatsimit imaluunniit kommunalbestyrelsinit arlalinnit kattulluni ingerlanneqartunut, akuersissummik qinnuteqartoqarnerani, ulloq unnuarlu paaqqinniffiup akuerineqarnissamut piunasaqaatinik naammassinninneranik naliliineq tunngavigalugu aalajangiissapput.

*Imm. 2.* Imm. 1 naapertorlugu akuersissut tunngavilersugaasoq allakkatigut nalunaarutigineqassaaq, tassanilu nalunaarutigineqassapput ulloq unnuarlu paaqqinniffiup sullinniagai kikkuunersut, kiisalu qassinik inissaqartitsinersoq.

*Imm. 3.* Imm.1 naapertorlugu Naalakkersuisut akuersissuteqarnerminnut atatillugu, piunasaqaatinik akuersissut atuutiinnassappat equutsinneqartussanik aalajangersaasinnaapput. Naalakkersuisut piunasaqaatinut aalajangersarneqartunut piffissaliussanik ilanngussisinnaapput.

*Imm. 4.* Imm.1 naapertorlugu akuersissut, meeqqat tapersorsorneqarnissaannut Inatsisartut inatsisaanni § 33, imm. 1 naapertorlugu meeqqanut ulloq unnuarlu paaqqinniffiup, kommunalbestyrelsimit ataatsimit imaluunniit kommunalbestyrelsinit arlalinnit kattulluni ingerlanneqartup, kommunit qitiusullu inissanik isumaginnittussaaneratulli isumaginninnissaa piunasaqaataavoq.

**§ 13.** Meeqqanut ulloq unnuarlu paaqqinniffik kommunalbestyrelsimit imaluunniit kommunalbestyrelsinit peqatigiinnit pigineqarlunilu ingerlanneqartoq akuerineqassappat, ulloq unnuarlu paaqqinniffiup ataatsimut nalileereernikkut pisariaqartumik pitsaassuseqarnissaa piunasaqaataavoq.

*Imm. 2.* Ulloq unnuarlu paaqqinniffiup pitsaassusia tunngavissat makkua aallaavigalugit nalilerneqassaaq:

- 1) Ilinniagaq suliarlu.
- 2) Namminiissuseq aamma attuumassuteqarfiit.
- 3) Sullinniakkat, periaatsit angusallu.
- 4) Aaqqissuussaaneq aqunneqarnerlu.
- 5) Piginnaasat.
- 6) Aningaasaqarneq.
- 7) Initigut periarfissat.

**§ 14.** Ulloq unnuarlu paaqqinniffiup perorsaanermi periaatit aammalu ulloq unnuarlu paaqqinniffiup sullinniagaanut sanilliullugu perorsaanermi anguniagai Naalakkersuisunit § 12 naapertorlugu akuersissuteqarnermut atatillugu, akuerineqassapput.

*Imm. 2.* Perorsaanermi periaatsit sulinermi atussallugit illersorneqarsinnaasut, periaatsinit nunatsinni ulloq unnuarlu paaqqinniffinni taamaqqataani atugaasunit allaanerugaluartut, Naalakkersuisunit akuerineqarsinnaapput.

*Imm. 3.* Perorsaanermik periaaseq anguniagaasorlu akuersissummi allaqqassapput.

**§ 15.** § 12 naapertorlugu sulisut tamarmiullutik inuttut suliamullu tunngatillugu piginnaasat sullinniakkanut sanilliullugit Naalakkersuisut akuersineranni ilanngullugit akuerineqassapput.

*Imm. 2.* Naalakkersuisut akuersisarnermi oqartussaasutut sulisuusut pillugit paasissutissanik, matumani aamma ilinniagaannut tunngasunik aammalu pineqaatissinneqarsimanermut meeqqanillu pi-

nerliisimanginnermut uppernarsaatinik, piniarsinnaapput.

**§ 16.** Ulloq unnuarlu paaqqinniffiup initigut periarfissaasa siunnerfigineqartunut aammalu perorsaaniqut periaatsinut naleqquttuuneri Naalakkersuisunit § 12 naapertorlugu akuersissuteqarnermut atatillugu, akuerineqassapput.

**§ 17.** § 12 naapertorlugu ulloq unnuarlu paaqqinniffik akuerineqarnissamik qinnuteqarpat, naliliinissamut atorfissaqartinneqartut suliamut tunngasut, aaqqissuussaannermut aningaasaqarnermullu paasissutissat naalakkersuisunit piumasarineqarpata tunniutissavai.

*Imm. 2.* Ulloq unnuarlu paaqqinniffik nammineq ingerlatsinermut akuersinermi tunngaviusunik allannguuteqartitsissaguni Naalakkersuisunut nalunaarutigissavai.

#### *Ileqqoreqqusaq*

**§ 18.** Meeqqanut ulloq unnuarlu paaqqinniffiit kommunalbestyrelsimit imaluunniit kommunalbestyrelsinit pigineqartut ileqqoreqqusaqassapput, imarissallugit:

- 1) Ateq, najugaq aamma siunertaq.
- 2) Perorsaaniqut siunertaata allaaserineqarnera.
- 3) Ulloq unnuarlu paaqqinniffiup sullinniagaasa allaaserineqarnerat.
- 4) Aqutsisut suliassaasa allaaserineqarnerat.
- 5) Inummut pingajuusumut tunngatillugu akisussaaneq iliuuseqarsinnaatitaanerlu pillugit maleruagassat.
- 6) Missingersuusiortarneq, naatsorsuuserineq kukkunersiuinerlu pillugit maleruagassat.
- 7) Ileqqoreqqusat allanngortinneqassatillugit periaasissat.

*Imm. 2.* Ileqqoreqqusat allannguutaat Naalakkersuisunit akuerineqassapput.

#### *Akuersissummik atorunnaarsitsineq*

**§ 19.** § 12 naapertorlugu meeqqanut ulloq unnuarlu paaqqinniffimmut, kommunalbestyrelsimit ataatsimit imaluunniit kommunalbestyrelsinit arlalinnit kattulluni ingerlanneqartumut, akuersissutip atorunnaarsinneqarnissaa Naalakkersuisut aalajangersinnaavaat, ulloq unnuarlu paaqqinnittarfiup akuersissuteqarnissamut piumasqaataasut eqquutsikkunnaarpagit.

*Imm. 2.* Imm. 1 naapertorlugu Naalakkersuisut akuersissutip atorunnaarsinneqarnissaa pillugu aalajangiinginneranni ulloq unnuarlu paaqqinniffik Naalakkersuisunit oqaloqatigineqassaaq. Naalakkersuisut ulloq unnuarlu paaqqinniffik pissutsinik, akuersissummik atorunnaarsitsiniarnermut tunngaviusunik aaqqiiniarnissaanik periarfississavaat.

*Imm. 3.* Naalakkersuisut akuersissutip atorunnaarsinneqarnissaa aalajangerpassuk atorunnaarsitsinissamut piffissaq naammaginartumik sivisussusilik Naalakkersuisut aalajangersassavaat. Piffissaliussaq pissutsinik, atorunnaarsitsinissamik aalajangernermut pissutaasunik naliliineq tunngavigalu aalajangersarneqassaaq.

**§ 20.** Naalakkersuisut § 19 apeqqutaatinnagu akuersissuteqarnek piaarnerpaamik atorunnaarsissinnaavaat, taamaaliornissaq pissutsit immikkut ittut, matumani aamma iliuutsinik

pillarneqaataasinnaasunik pasitsaassaartoqarnerata imaluunniit meeqqat ulloq unnuarlu paaqqinniffimmiittut isumannaatsuunissaasa peqqinnissaasalu ulorianartorsiortinneqaratarsinnaanerisa pisariaqalersippassuk.

**§ 21.** §§ 19-20 naapertorlugit Naalakkersuisut kommunalbestyrelsit inissiisimasut akuersissutip utertinneqarnera pillugu ilisimatissavai.

*Imm. 2.* Akuersissutip utertinneqarnerani, takuuk §§ 19-20, kommunalbestyrelsit inissiisimasut meeqqat ulloq unnuarlu paaqqinniffimmi inississimasamik, inisseqqinneqarnissaat akisussaaffigaat.

#### *Akuersissuteqarnerup atorunnaartarnera*

**§ 22.** Ulloq unnuarlu paaqqinniffik siunertamut akuerisaasumut piffissami ataannartumi ukiunik marlunnik sivisussuseqartumi atorneqanngippat akuersissut siumut ilisimatitseqqeqqaarani atorunnaarsinneqassaaq.

#### *Atuukkunnaarsitsineq*

**§ 23.** § 12 naapertorlugu akuersissuteqarneq malillugu pisussaaffiit annertuumik sumiginnarneqarsimappata, ulloq unnuarlu paaqqinniffiup kommunalbestyrelsimit ataatsimit imaluunniit kommunalbestyrelsinut arlalinnit kattulluni ingerlanneqartup ingerlanneqarnerata atuukkunnaarsinnissaanik aammalu ulloq unnuarlu paaqqinniffimmi pineqartuni nammineq ingerlatsilernissamik Naalakkersuisut aalajangersinnaapput.

*Imm. 2.* Atuukkunnaarsitsinissaq pillugu aalajangerneq piffissamut erseqqinnerusumik aalajangersarneqartumut imaluunniit maannamuugallartoq aalajangiiffiqarsinnaavoq.

**§ 24.** Kommunalbestyrelsip, imaluunniit kommunalbestyrelsit kattullutik ulloq unnuarlu paaqqinniffimmik ingerlatsisut, aningaasartuutit § 23, imm. 1 naapertorlugu atuukkunnaarsitsinissaq pillugu aalajangerneq malitsigisai, Naalakkersuisunut akilissavaat.

*Imm. 2.* Kommunalbestyrelsi, imaluunniit kommunalbestyrelsit kattullutik ulloq unnuarlu paaqqinniffimmik ingerlatsisut, sulisut Naalakkersuisut ingerlatsinermik tigusineranni atorfeqartut, kiisalu atortorissaarutit atorneqartut Naalakkersuisunut atugassanngortissavaat. Sulisut, ilanngullugit kommunimi tjenestemandit, suliassat atuukkunnaarsitsinermi pineqartunut ilaasut isumagineqarnerannut ilaatillugu Naalakkersuisunit ilitersorneqartussaapput.

**§ 25.** Kommunalbestyrelsi, imaluunniit kommunalbestyrelsit kattullutik ulloq unnuarlu paaqqinniffimmik ingerlatsisut, paasissutissat ulloq unnuarlu paaqqinniffiup ingerlanneqarnerata ingerlateqqinnissaanut pisariaqartut Naalakkersuisunut nalunaarutiginnissaat pisussaaffigaat.

#### *Ulluinnarni aqutsineq*

**§ 26.** Kommunalbestyrelse ulloq unnuarlu paaqqinniffinni kommunalbestyrelsimit pigineqarlutillu ingerlanneqartuni pisortamik atorfinitsitsisartuullunilu soraarsitsisinnaavoq.

*Imm. 2.* Pisortap ulloq unnuarlu paaqqinniffiup ulluinnarni aqunneqarnera isumagissavaa.

*Imm. 3.* Pisortap ulloq unnuarlu paaqqinniffimmi sulisuusut allat, inatsisit isumaqatigiissutillu atuuttut naapertorlugit atorfinitsittarlugillu soraarsissinnaavai.

#### **Kapitali 4**

*Meeqqanut ulloq unnuarlu paaqqinniffiit suliffeqarfittut imminut pigisutut ingerlanneqartut*

*Akuersisinnaanermut piginnaatitsineq piumasagaatillu*

**§ 27.** §§ 28 – 41 naapertorlugit Naalackersuisut meeqqanut ulloq unnuarlu paaqqinniffimmut, ulloq unnuarlu paaqqinniffittut imminut pigisutut ingerlanneqartumut, akuersissummik qinnuteqartoqarnerani, ulloq unnuarlu paaqqinniffiup akuerineqarnissamut piumasagaatinik naammasinninneranik naliliineq tunngavigalugu aalajangiissapput.

*Imm. 2.* Imm. 1 naapertorlugu, akuersissut allaganngorlugu nalunaarutigineqassaaq tassanilu taaneqassallutik ulloq unnuarlu paaqqinniffiup kikkut sullinniarneari, qassillu inissaqartinneqarnersut.

*Imm. 3.* Imm. 1 naapertorlugu Naalackersuisut akuersissuteqarnerminnut atatillugu piumasagaatinik akuersissut atuutiinnassappat equutsinneqartussanik aalajangersaasinnaapput. Naalackersuisut piumasagaatinut aalajangersarneqartunut piffissaliussanik ilanngussisinnaapput.

*Imm. 4.* Meeqqat tapersorsorneqarnissaannut Inatsisartut inatsisissaat § 33 imm. 1 naapertorlugu imm. 1 malillugu meeqqanut ulloq unnuarlu paaqqinnittarfiup nammineq pigisup akuerineqarnissaanut piumasagaataassaaq ulloq unnuarlu paaqqinniffik kommunimi sumiiffimmilu ulloq unnuarlu paaqqinniffinnut inissiiffissanut ilaatinneqalissasoq.

*Pitsaassutsimik naliliineq*

**§ 28.** Meeqqanut ulloq unnuarlu paaqqinniffik imminut pigisoq akuerineqassappat, ulloq unnuarlu paaqqinniffiup ataatsimut nalileereernikkut pisariaqartumik pitsaassuseqarnissaa piumasagaataavoq.

*Imm. 2.* Ulloq unnuarlu paaqqinniffiup pitsaassusia tunngavissat makkua aallaavigalugit nalilerneqassaaq:

- 1) Ilinniagaq suliarlu.
- 2) Namminiissuseq aamma attuumassuteqarfiit.
- 3) Sullinniakkat, periaatsit angusallu.
- 4) Aaqqissuussaaneq aqunneqarnerlu.
- 5) Piginnaasat.
- 6) Aningaasaqarneq.
- 7) Initigut periarfissat.

**§ 29.** Ulloq unnuarlu paaqqinniffiup perorsaanermi periaasii aammalu ulloq unnuarlu paaqqinniffiup sullinniagaanut sanilliullugu perorsaanermi anguniagai Naalackersuisunit akuerineqassapput.

*Imm. 2.* Perorsaanermi periaatsit sulinermi atussallugit illersorneqarsinnaasut, periaatsinit nunatsinni ulloq unnuarlu paaqqinniffinni taamaqataani atugaasunit allaanerugaluartut Naalackersuisunit akuerineqarsinnaapput.

*Imm. 3.* Perorsaanermik periaaseq anguniagaasorlu akuersissummi allaqqassapput.

**§ 30.** Ulloq unnuarlu paaqqinniffiup aqutsisua sulisunik atorfinitsitsisarneq soraarsitsisarnerlu akisussaaffigaat.

*Imm. 2.* Sulisuusut tamarmiullutik inuttut suliamullu tunngatillugu piginnaasaat sullinniakkanut sanilliullugit Naalakkersuisunit akuerineqassapput.

*Imm. 3.* Naalakkersuisut akuersisarnermi oqartussaasutut sulisuusut pillugit paasissutissat, matumani aamma ilinniagaannut tunngasunik aammalu pineqaatissinneqarsimanninnermut meeqqanillu pinerliisimanninnermut uppersaataajunnartut piniarsinnaavaat.

**§ 31.** Meeqqanut ulloq unnuarlu paaqqinniffimmik suliffeqarfittut imminut pigisutut ingerlanneqartumik akuerinninnissami piumasaqaataavoq, aqutsisut sulisuusullu akissarsiatigut atorfinitsitaanermilu atugarisaasa pisortani taamatut atorfillit atugarisaat assigissagaat.

*Imm. 2.* Ulloq unnuarlu paaqqinniffiup uppersaataatissat akuersissummik qinnuteqaatip nalilersorneqarnissaani atorneqartussat Naalakkersuisunit saqqummiutissavai.

**§ 32.** Meeqqanut ulloq unnuarlu paaqqinniffiup, ulloq unnuarlu paaqqinniffittut imminut pigisutut ingerlanneqartup, initigut periarfissaasa siunertamut naleqquttuuneri Naalakkersuisunit akuerineqassapput.

#### *Aaqqissuussaanerup akuerineqarnera*

**§ 33.** Ulloq unnuarlu paaqqinniffik imminut pigisoq ingerlatsiviussaaq inatsisit eqqarsaatigalugit namminersortoq aningaasaqarnerlu eqqarsaatigalugu namminersortoq.

*Imm. 2.* Naalakkersuisulli imm. 1-imi piumasaqaat avaqqussinnaavaat:

1) ulloq unnuarlu paaqqinniffik meeqqanut ulloq unnuarlu paaqqinniffimmu Kalaallit Nunaanniittumut imminut pigisumut allamut, nalunaarut manna naapertorlugu akuerisaasumut ilannguppat, aamma

2) tamanna suliaq eqqarsaatigalugu tunngavissaqarluarpat.

**§ 34.** Meeqqanut ulloq unnuarlu paaqqinniffinnut imminut pigisunut aningaasaateqarfittut pilersinneqarsimasunut, aningaasaateqarfiit peqatigiiffiillu ilaat pillugit inatsisip Kalaallit Nunaannut atuutilersinneqarnissaa pillugu peqqussummi aamma aningaasaateqarfiit inuussutissarsiutinik ingerlataqartut pillugit inatsisip atuutilersinneqarnissaa pillugu peqqussummi pineqartunut ilaangitsunut tunngatillugu, akuersissummi allaqqassaaq, ulloq unnuarlu paaqqinniffik aningaasaateqarfittut inatsisit malillugit pilersinneqarsimasooq.

*Imm. 2.* Meeqqanut ulloq unnuarlu paaqqinniffiit aningaasaateqarfittut pilersinneqarsimasut ileqqoreqqusaat Naalakkersuisunit akuerineqassapput.

*Imm. 3.* Ileqqoreqqusat akuerineqarsinnaapput pilersitsisup aamma aningaasaateqarfiup aningaasaqarneri immikkoortilluinnarneqarsimappata, aammalu Naalakkersuisut naliliippata aningaasaateqarfiup atorunnaarsinneqarnerani aningaasaataasa qanoq atorneqarnissaat pillugu ileqqoreqqusani maleruagassat aningaasaateqarfiup siunertaanut naapertuuttut.

*Imm. 4.* Aningaasaateqarfiup ileqqoreqqusaani allannguutit aamma aningaasaateqarfimmik atorunnaarsitsineq Naalakkersuisunit akuerineqassapput.

**§ 35.** Meeqqanut ulloq unnuarlu paaqqinniffiup, ulloq unnuarlu paaqqinniffittut imminut pigisutut



ingerlanneqartup, siulersuisuisa katitigaanerat Naalackersuisut akuerissanngilaat, taamaattorli takuuk imm. 2 aamma imm. 3.

*Imm. 2.* Meeqqanut ulloq unnuarlu paaqqinniffiup imminut pigisup aqutsisua, taassuma aappaa, inuilluunniit inunnut taaneqartunut toqqaannartumik ilaquataasut qatannngutaasulluunniit siulersuisuni amerlanerussuteqarsinnaanngillat. Siulersuisut ima katitigaassapput, inuk minnerpaamik ataaseq ulloq unnuarlu paaqqinniffiup aqutsisuanut attuumassuteqassanani aamma aqutsisoq siulersuisuni taaseqataasinnaassanani.

### *Missingersuutit naatsorsuutillu*

**§ 36.** Meeqqanut ulloq unnuarlu paaqqinniffiit imminut pigisut akuersissummik qinnuteqartut akuerineqarsimasulluunniit ulloq unnuarlu paaqqinniffiup suliassaasa isumagineqarnissaat pillugu missingersuusiussapput.

**§ 37.** Naalackersuisut meeqqanut ulloq unnuarlu paaqqinniffiup, ulloq unnuarlu paaqqinniffittut imminut pigisutut ingerlanneqartup, missingersuutai akuerissavaat, sumiiffimmi ingerlataanut naapertuuttuuppata aammalu ulloq unnuarlu paaqqinniffiup, akigitat sumiiffiullu najugaqartinniagaanut sanilliullugu pitsaassusissaanik periarfissiippata. Missingersuutini killiliussat ataatsimut isigalugit akuerineqassapput.

*Imm. 2.* Illuutinik aalaakkaasunik attartornermut akiliutinut aningaasartuutit, illuutinik taamaaqataannik attartornermi aningaasartuutinit nalinginnaasunit annerussanngillat.

*Imm. 3.* Siulersuisuni ilaasortat akissarsiaat suliap suunera suliassallu annertussusiat malillugu nalinginnaasutut isigineqartunit amerlanerussanngillat.

*Imm. 4.* Ulloq unnuarlu paaqqinniffiup goodwillia missingersuutit akuerineqarneranni ilanngunneqarsinnaanngilaq.

*Imm. 5.* Paaqqinniffik imminut pigisoq, meeqqanut ulloq unnuarlu paaqqinniffimmik ingerlatsinerup saniatigut allanik ingerlataqarpat, ulloq unnuarlu paaqqinniffiup ingerlanneqarneranut saniatigullu ingerlatanut immikkoortitanik missingersuusiortoqassaaq.

**§ 38.** Meeqqanut ulloq unnuarlu paaqqinniffiit imminut pigisut, imminut pigisutut ingerlanneqartut, ukiumoortumik naatsorsuusiortarneq pillugu inatsimmi immikkoortoq 2-mi maleruagassat naapertorlugit ukiumoortumik naatsorsuusiussapput. Ulloq unnuarlu paaqqinniffiup oqimaaqatigiissaarinermi kisitsisaataasa katinnerisa, ilanngaattissat ilanngaatigereerlugit kaaviiartitaasa sulisuisalu agguaqatigiissillugit amerlassusiisa ukiumoortumik naatsorsuusiortarneq pillugu inatsimmi § 4-mi killiliunneqarsimasut sinnerpatigik, ukiumoortumik naatsorsuutit ukiumoortumik naatsorsuusiortarneq pillugu inatsimmi immikkoortoq 3 naapertorlugu sularineqassapput.

*Imm. 2.* Naalackersuisut ulloq unnuarlu paaqqinniffiit ataasiakkaat naatsorsuusiornissaat pillugu piumasaqaatinik allanik piumasaqaateqarsinnaapput, ulloq unnuarlu paaqqinniffiup aningaasaqarnerata paasiuminarluinnartuunissaa pisuni immikkut ittuni pisariaqartutut nalilerneqarpat, ilanngullugu ulloq unnuarlu paaqqinniffiup ingerlanneqarneranut immaqalu aamma saniatigut ingerlatanut immikkoortillugit naatsorsuinissamik piumasaqaateqarneq.

**§ 39.** Meeqqanut ulloq unnuarlu paaqqinniffiit imminut pigisut naatsorsuutaat kukkunersiuisumit

akuerisaasumit kukknersiorneqassapput.

*Imm. 2.* Naatsorsuutit eqqortuunersut, aningaasanik atuineq naatsorsiornermi pineqartoq aningaasaliissutitut nalunaarutigineqarsimasunut, inatsisinut malittarisassanullu allanut aammalu isumaqatigiissutaasimasunut periaaserineqartunullu naapertuunnersoq, kiisalu naammattusaarnissaq, naammassisaqarnissaq pitsaasumillu sulinissaq aningaasanik aqutsinermi aammalu neqeroorutinik ingerlatsinermi naatsorsuutini pineqartuni anguniarneqarsimanersut kukknersiuinermi misissorneqassapput.

*Imm. 3.* Ulloq unnuarlu paaqqinniffiup kukknersiuisuata Naalakkersuisunit qinnuigineqaruni pissutsit kukknersiuinermi misissorneqarsimasut suuneri, aammalu akuersissummut atatillugu piunasaqaatit eqquutsinneqarsimanerannik Naalakkersuisut naliliinissaanni pingaaruteqartut Naalakkersuisunut nalunaarutigissavai. Kukknersiuisoq pissutsinik, akuersissummi piunasaqaatit eqquutsinneqarsimanerannik kukknersiuusumik nalornilersitsisunik kukknersiuinermini paasisaqaruni Naalakkersuisunut tamatuminnga nalunaaruteqassaaq.

*Imm. 4.* Kukknersiuisoq kukknersiuinerminut atatillugu ulloq unnuarlu paaqqinniffiup ingerlanneqarneranit sinneqartoorutaasimasinnaasut atorneqarnerannut nassuiaassaaq, aammalu illuartitat aamma immikkut ittumik aningaasaqarnikkut aalajangiinerit ulloq unnuarlu paaqqinniffiup siunertaata iluaniinnerat qulakkiissallugu. Pissutsinik aalajangiineq ulloq unnuarlu paaqqinniffiup siunertaata iluaniinnersoq nalornissuteqalernissamut kukknersiuusumut pissutissaqalersitsisunik, paasisaqarnermi kukknersiuusup Naalakkersuisut ilisimatissavai.

#### *Nalunaartussaataaneq*

**§ 40.** § 27 naapertorlugu meeqqanut ulloq unnuarlu paaqqinniffiup imminut pigisup akuersissummik qinnuteqartup suliamut, aaqqissuussaanermut aningaasaqarnermullu tunngatillugu paasisutissat ulloq unnuarlu paaqqinniffimmut tunngasut Naalakkersuisut qinnutigisaat qinnuteqaatip nalilersorneqarnissaani atugassat Naalakkersuisunut tunniutissavai.

*Imm. 2.* Ulloq unnuarlu paaqqinniffiup pissutsit akuersissummut tunngavigineqartunut sanilliullutik annertuumik allannguuteqarpata tamanna peqquneqaqqaanngikkaluarluni Naalakkersuisunut paasisutissiissutigissavaa, ilanngullugu saniatigut ingerlatanik aallartitsineq.

*Imm. 3.* Naalakkersuisut ulloq unnuarlu paaqqinniffimmut suliffeqarfittut imminut pigisutut ingerlanneqartumut akuersissummik qinnuteqaammik suliaqarnerminnut atatillugu qinnuteqartoq qinnuigisinnaavaat, ulloq unnuarlu paaqqinniffiup ingerlataasa allat, ulloq unnuarlu paaqqinniffiup aningaasaatanik nuussinngikkaluarluni ingerlatiinnarnissaannut akissaqarnini uppennarsassagaa.

#### *Ileqqoreqqusat*

**§ 41.** Meeqqanut ulloq unnuarlu paaqqinniffiit imminnut pigisut ileqqoreqqusaqassapput, imarissallugit:

- 1) Ateq, sumiiffik aamma siunertaq.
- 2) Perorsaaniissap siunertaata allaaserineqarnera.
- 3) Ulloq unnuarlu paaqqinniffiup sullitassaasa allaaserineqarnerat.
- 4) Pilersitsinermi nammineq aningaasaatit annertussusaa qanorlu akilerneqarsimanera.

- 5) Aqutsisut toqqarneqarnerat suliassaasalu allaaserineqarnerat.
  - 6) Inummut pingajuusumut tunngatillugu akisussaaneq iliuseqarsinnaatitaanerlu pillugit maleruagassat.
  - 7) Akiitsunut akiliisussaataitanermut maleruagassaq.
  - 8) Missingersuusiortarneq, naatsorsuuserineq kukkunersuinerlu pillugit maleruagassat.
  - 9) Ileqqoreqqusat allanngortinneqassatillugit periaasissat.
  - 10) Atorunnaarsitsinermi nammineq aningaasaliissutinik atuinissamut maleruagassat.
  - 11) Siulersuisut katitigaaneritut maleruagassaq.
- Imm. 2.* Ileqqoreqqusanik allanngortitsinerit Naalackersuisunit akuerineqassapput.

#### *Akuersissutip atorunnaarsinneqarnera*

**§ 42.** § 27 naapertorlugu meeqqanut ulloq unnuarlu paaqqinniffiup suliffeqarfittut imminut pigisutut ingerlanneqartup akuersissummi piunasaqaataasut eqquutsikkunnaarpagit, akuersissummik atorunnaarsitsinissaq Naalackersuisut aalajangersinnaavaat.

*Imm. 2.* Naalackersuisut akuersissut, atorunnaarsitsinissaq sioqqullugu ulloq unnuarlu paaqqinniffimmut imminut pigisumut isumaqatigiinniarnaq tunngavigalugu nalilersoqqissavaat.

*Imm. 3.* Ulloq unnuarlu paaqqinniffiup atorunnaarnera pillugu Naalackersuisut kommunalbestyrelsit inissiisut pisariaqanngitsumik kinguarsaanertaqanngitsumik nalunaarfigissavaat.

#### *Akuersissuteqarnerup atorunnaartarnera*

**§ 43.** Ulloq unnuarlu paaqqinniffik suliffeqarfittut imminut pigisutut ingerlanneqartoq piffissami ukiunik marlunnik sivilsuseqartumi siunertaminut akuerisaasumut atorneqarsimangippat akuersissut atorunnaarsinneqassaaq.

### **Kapitali 5**

#### *Aningaasalersorneqarnera*

**§ 44.** Ulloq unnuarlu akigititaq, kommunalbestyrelsip inissiisup meeqqanut ulloq unnuarlu paaqqinniffinni, kapitali 2 malillugu Naalackersuisunit pigineqartuni ingerlanneqartunilu inissiinermut akiligassaa, kommunit, imaluunniit kattuffiup kommunit ataasiakkaat toqqagaata, aamma Naalackersuisut isumaqatiginninniarnersigut aalajangersarneqassaaq, taamaalilluni ulloq unnuarlu paaqqinniffiup ingerlatsinermut aningaasartuutai akigititamik akiliutinik tamarmiusunit matussuserneqarsinnaassalluni.

*Imm. 2.* Ulloq unnuarlu akigititaq, kommunalbestyrelsip inissiisup meeqqanut ulloq unnuarlu paaqqinniffinni, kapitali 4 malillugu ulloq unnuarlu paaqqinniffittut imminut pigisutut ingerlanneqartunilu inissiinermut akiligassaa, ulloq unnuarlu paaqqinniffiit ataasiakkaat aamma kommunit, imaluunniit kattuffiup kommunit ataasiakkaat toqqagaata isumaqatiginninniarnersigut aalajangersarneqassaaq, taamaalilluni ulloq unnuarlu paaqqinniffiup ingerlatsinermut aningaasartuutai akigititamik akiliutinik tamarmiusunit matussuserneqarsinnaassalluni.

*Imm. 3.* Meeqqanut ulloq unnuarlu paaqqinniffiit kommuninit pigineqartut, ulloq unnuarlu

paaqqinniffik meeqqanik kommuninit allanit tigusisarsimangippat, aammalu ulloq unnuarlu paaqqinniffik meeqqanik kommuninit allanit tigusisinnaasoq akuersissummut ilaasimangippat, kapitali 3 malillugu akuerineqartut imm. 1-imi aamma 2-imi akigititanik aalajangersarneqartuni pineqartunut ilaatinneqanngillat. Taamatut pisoqarsimappat akigititat imm. 1-imi aalajangersakkat naapertorlugit aalajangersarneqassapput.

*Imm. 4.* imm. 1-3 naapertorlugit ulloq unnuarlu akigititami, kommunalbestyrelsip inissiisup meeqqanut ulloq unnuarlu paaqqinniffinni inissiinermut akiligassaani, nalinginnaasumik sulisoqarnermut, nerisaqarnermut, ineqarnermut, kiisalu najugaqartunut kaasarfimmiussanut atisassarsiutissanullu aningaasartuutit ilaatinneqarput.

**§ 45.** Najugaqartup nappaataata imaluunniit pissusilersortarnerata annertuumik ajorseriarnerani kommunalbestyrelsip inissiisup akuersineratigut ulloq unnuarlu akigititaq qaffasinnerusok akilersinneqarsinnaavoq. Ulloq unnuarlu akigititap qaffasinnerusup akuerineqarsinnaanissaanut tunngaviussaaq, najugaqartoq atugarissaarnerminut, peqqissutsiminut imaluunniit ineriartornerminut ilungersunartumik ajoqusiisinnaanerani aarlerinaateqartumik pissusilersortartoq, imaluunniit taassuma imaluunniit allat inuunerat imaluunniit aalassarinnerat navianartorsiortinneqartut.

*Imm. 2.* Imm. 1 naapertorlugu ulloq unnuarlu akigititap qaffanneqarnera qaammatit 3-t angullugit akuerineqarsinnaavoq, tamatuma kingorna ulloq unnuarlu akigititap ukiumut aalajangersimasumik qaffanneqarnissaa qinnuteqaatigineqassalluni. Najugaqartumut iliuusissanut pilersaarutip, meeqqat tapersorneqarnissaannut Inatsisartut inatsisaanni § 47 naapertorlugu, iluarsanneqarnerani akigititamik aalajangersimasumik qaffasinnerusumik akiliisarnissamut suli tunngavissaqarnersoq aalajangiisoqassaaq.

*Imm. 3.* Imm. 1 naapertorlugu kommunalbestyrelsip inissiisup akigititamik qaffasinnerusumik akiliisarnissaaq, pillugu aalajangiineq Naalakkersuisut allakkatigut ilisimatissavai.

**§ 46.** Meeraq inissinneqartoq iliuusissanut pilersaarut suliarineqartoq naapertorlugu piffissami ullut 14-it sinnerlugit angajoqqaaminiittassappat imaluunniit allaniittassappat, akigititamik akiliuteqarnek aningaasartat nalinginnaasut 85 %-iinut annikillisinneqarsinnaavoq. Akiliisarnerup iluarsineqarnera qaammatip tulliuttup naanerani pisassaaq.

*Imm. 2.* Meeraq ulloq unnuarlu paaqqinniffimmi inissinneqartoq, sunngiffeqarnek, napparsimaneq assigisaaluunniit pissutaallutik sapaatit akunnerinit 2-nit sivilunerusumik paaqqinniffiup avataaniippat, paaqqinniffimmiittutut suli isigineqassaaq, kisianni piffissamut akigititamik akiliineq aningaasartat nalinginnaasut 85 %-iinut annikillisinneqarsinnaavoq.

*Imm. 3.* Kommunalborgstyrelsi inissiisoq efterskolimiinnissaaq imaluunniit allatut atuarfimmiinnissaaq pillugu aalajangiippat, meeqqap atuarfimmiinnerata naammassinissaa tikillugu, ulloq unnuarlu paaqqinniffik meeqqamut piareersimanerminut akiliummik annikillisamik tigusaqartassaaq.

*Imm. 4.* Kommuni ulloq unnuarlu akigititamik annikillisamik akiliisarpas, akigititami kaasarfimmiussat atisassarsiutissanullu ilaatinneqassanngillat.

**§ 47.** Meeraq ullup unnuallu ilaannaani meeqqanut ulloq unnuarlu paaqqinniffimmiippat akiliutit ikiliasat akiliutigittinneqassapput, akiliutillu taakku oqartussaasup akiliuteqartartup paaqqinniffiullu akoraanni ataasiakkaarlugit isumaqatigiinniutigineqartassapput.

**§ 48.** Paaqqinniffik meeqqamik najugaqarallartussamik inissiivigineqarpat, najugaqarnerup nalaani

ulloq unnuarlu akiliutit nalinginnaasut akiliutigitinneqartassapput.

§ 49. Inuusuttut 18-inik ukiulinniit 23-t ilanngullugit ukiullit suliniuteqareernermi malitseqartitsilluni suliniuteqarfigineqartut, meeqqat tapersorsorneqarnissaannut Inatsisartut inatsisaat § 42 naapertorlugu, siusinaartumik pensionisiaqartoq pensionit tunniunneqartarneri pillugit malittarisassat aalajangersarneqarsimasut tunngavigalugit ineqarnerminut akiliuteqartinneqartassaaq.

§ 50. Ulloq unnuarlu paaqqinniffik kommunalbestyrelsimut immikkut ittumik ikiorsiissuteqartaruni, kommuni isumaqatigalugu akiliisissinnaavaa.

*Imm. 2.* Imm. 1 malillugu akiliisoqassappat piumasaqaataavoq sioqqullugu immikkut ittumik ikiorsiissutit suunerinik akiinillu allakkatigut isumaqatigiissusiortoqassasoq.

§ 51. Meeqqat meeqqanut ulloq unnuarlu paaqqinniffimmiinnerinut akiliutit qaammatikkaartumik kingumoortumik akilerneqartassapput.

## Kapitali 6

### *Kaasarfimmiussat atisassarsiutissallu*

§ 52. Kaasarfimmiussat atisassarsiutissallu ulloq unnuarlu paaqqinniffimmut tunniunneqassapput ullormut unnuamullu ataatsimut akigitinneqartoq aalajangersimasoq Naalakkersuisunit aalajangersarneqartoq malillugu.

§ 53. Meeqqat tapersorsorneqarnissaannut Inatsisartut inatsisissaat § 46 naapertorlugu meeqqamut paarineqartumut iliuusissatut pilersaarummi, imaluunniit meeqqat tapersorsorneqarnissaannut Inatsisartut inatsisissaat § 48 naapertorlugu katsorsarneqarnissamik pilersaarummi, allamik allassimasoqangippat ulloq unnuarlu paaqqinniffik meeraq peqatigalugu aalajangissavaat meeqqap aningaasat qanoq amerlatigisut imminut atortassanera, qanoq akulikitsigisumik tunniunneqartassanersut kiisalu meeqqap aningaasartuutit suut nammineq akilertassanera. Aningaasalli atorneqartussat minnerpaamik qaammammut ataasiarluni tunniunneqartassapput.

*Imm. 2.* Pisortap nalilerpagu meeraq perorsaanermik pissuteqartumik piffissap ilaani perorsaanermik siunertaqarneq aallaavigalugu aningaasanik tamakkiisumik tunineqassangitsoq, aningaasat tunniunneqangitsut meeqqap aqqa atorlugu aningaaserivimmi kontumi pilersinneqarsimasumut ikineqassapput.

*Imm. 3.* Kaasarfimmiussat atisassarsiutissalluunniit meeqqap nammineq atugassaatut tunniunneqangitsut meeqqap atisassaanik assigisaannilluunniit pisineranut atorneqassapput. Aningaasat sinnerisinnaasaat meeqqap aqqani kontumut ikineqassapput.

*Imm. 4.* Aningaasat imm. 2-mi 3-milu taaneqartuni kontuniittut taamaallaat sulisumit meerarlu ataatsimoorlutik tiguneqarsinnaapput imaluunniit ulloq unnuarlu paaqqinniffimmi sulisunit marlunnit ataatsimoortunik tiguneqarsinnaapput. Tigusinnermut uppersaat ulloq unnuarlu paaqqinniffiup pisortaanut tunniunneqassaaq paaqqinniffimilu toqqorneqassalluni.

## Kapitali 7

### *Tikeraarluni angalanerit*

§ 54. Kommunalbestyrelsip inissiisimasup tikeraarluni angalanermut atatillugu aningaasartuutit tamaasa akilissavai, ilanngullugit ingiaqateqarnermut, nerisaqarnermut il.il. aningaasartuutit.

§ 55. Meeraq ingiaqateqarani ulloq unnuarlu paaqqinniffimmit feeriarluni angalasinnaanngippat, meeraq angalanerani ingiaqateqartinneqassaaq.

*Imm. 2.* Pisuni ataasiakkaani tamanna pisariaqartoq naliliisoqarpat, ingiaqataasussat ataatsimit amerlanerusut akuerineqarsinnaapput.

*Imm. 3.* Meeqqap feeriarluni angalanissamini ingiaqatissaa nalinginnaasumik tassaassaaq meeqqap ikorfartortigalugulu immikkut attaveqarfigisartagaa imaluunniit allat meeqqap ulluinnarni attavigisartagai.

## **Kapitali 8**

### *Atortuulerfia*

§ 56. Nalunaarut una 27. novembari 2017-imi atuutilerpoq.

*Namminersorlutik Oqartussat, ulloq 24. november 2017*

Sara Olsvig

/

Julie Præst Wilche